

4. april 2019

UPA 2019/137

**Illerfinnik angerlaassilluni assartuinnermut ikiorserneqarsinnaanermut piumasaqaatinik
illuinnaasiunngitsunik aalajangersaalluni pisortanit ikiorsiissutit pillugit malittarisassat atuuttut
allanngortinneqarnissaannik siunnersuummik Naalakkersuisut kingusinnerpaamik UPA202-mut
saqqummiussaqaarnissaannik Inatsisartut aalajangiiffigisassaattut siunnersuut.**
(Inatsisartunut ilaasortaq Aqqaluk Heilmann)

Atassut sinnerlugu Inatsisartuni ilaasortaq Aqqaluk Heilmann siunnersuutaa imaattumik Siumumiik oqaaseqarfigissuarput.

Nunatsinni innuttaasut ukiut tamaasa nunaqarfitsik illoqarfitsillu qimallugit nakorsiartarput ajorluartumillu nakorsiat ilaat aallaqqanerminni toqkkut qimaguttarput. Taamatut pisoqartillugu amerlasuutigut ilaqutariit annertuumik eqqugaasarpud aliasunnermik qaavatigut aningaasatigut artorsinneqartarlutik. Ajornerpaamik pisoqartillugu toqkkut qimaguttoq suminngaanneerfianut angerlaannagu illoqarfimmi nakorsiarfigisaani ilineqartarpoq.

Nunatsinni angalaneq akisoorujussuuvooq minnerunngitsumik isorliunerusuni tunumi aammalu sikusartuniittuni ukiuunerani umiarsuaqarfiunngitsumi Avannersuarmi, Upernavimmi Uummannamilu aammalu eqqugaanerpaasarpud innuttaasut atugarissaarpallaanngitsut. Tupinnanngitsumillu toqkkut peeruttoqartillugu nunaqqatigiit ilaanni eqqugaasunut katersuiniussisarpud.

Nunaqqatigut napparsimasut ilaatigullu utoqqalillutik peqqiilliortartut tupinnanngitsumik ilaasa eqqarsaatigilereertarpaat artornartoq taanna nunagisartik qimaqqatillugu toqussagaluarunik ilaqqatillu akissaarutissagaluarpata niaqorluutigeqqunatik. Eqqarsaatit taamaattut innuttaaqatitta ilaasa eqqarsaatigisarmatigit piviusuuvooq alianarlunilu.

Siunnersuuteqartup assersuutigaa taamatut toqkkut qimaguttoqartillugu sinerissami atugassarititaasut assigiinneq ajortut ilaatigut kommunit ikiorsiisarnerat aningaasaqarnerallu apeqqutaalluni, innuttaasut ilai akuerineqartarput ilaallu itigartinneqartarlutik.

Ajornartuinnermi pisortat ikiorsiinissaat isumalluutigineqartarmat pissusissamisoorpoq taamaattorli Siumumi isumaqarpugut innuttaasut namminneq napparsimaleriataarnissamut aammalu toqkkut qimaguteriataarnissamut sillimaneq kalaallit uagut namminneerluta pikkorinneruffigisariaqarippud. Taamaammatt qaammarsaajuarnissaq pingaaruteqarluinnartutut isumaqarfigaangut.

Siunnersuut manna saqqummiunneqarmat aammalu inatsit misissoqqissaarneqarmat paasineqarpoq inatsit ersarissagassartaqartoq tamannalu Naalakkersuisut sulissutiginiaraat siunnersuut ilusimisut isikkoqartoq itigartikkaluarlugu. Taamatut oqaaseqarluta siunnersuut ilusimisut isikkoqartoq Siumumiit itigartipparput



taamaattorli innersuussutigissallugu ataatsimiitiamut ingerlateqqinneqassasoq allannguutissat suliarineqartut qulaajarluarneqarnissaat malinnaaffigineqarnissaallu pingaartullugu.

Doris J. Jensen, Siumut